



Inatsisartunut ilaasortaq Ruth Heilmann, Siumut
/ Maani

**§ 37 naapertorlugu apeqquteqaammut nr. 250-2012-imut Arsummi umimmattassi-
issut pillugu akissut.**

8. november 2012
Sagsnr. 2012-076193
Dok. Nr. 1054233

Inatsisartut suleriaasianni § 37 naapertorlugu Ivittuut eqqaanni umimmanniarneq pillugu
apeqqutinik arlalinnik Naalakkersuisunut apeqquteqarputit. Apeqqutit uannit akineqar-
tussangorlugit innersuussutigineqarput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Naalakkersuisunut apeqqutit:

**1. Soormitaavaa ukioq manna 2012-mi Arsummiut aalisarnermik piniarnermillu
inuussutissarsiuteqartut aammalu saniatigooralugu piniarnermik allagartaqartut
ukioq manna umimmanniarnissaminnut qinnuteqartinneqarsimanatillu pisassin-
neqarsimanngillat? Uffalu Arsuup avataaniittut tassalu kujataamiut allat pisassiin-
neqarsimaneragaasut.**

Ad. 1): Erseqqissaatigineqassaaq ukiumi 2011/2012-mi piniarfimmi Ivittuuni inuussutis-
sarsiutigalugu piniartunut sunngiffimmilu pinaluttartunut ukiukkut 2012-mi 15. februar
aallarnerfigalugu 31. marts naggataarfialugu umimmanniarfiusimammat. Taamaammat
2012-mi Arsummiunut umimmanniarnissaq periarfissaasimavoq. Taassuma saniatigut
kujataani innuttaasut ilaasa piniartitsisartunik ilaqarlutik akiliilluni umimmanniarnissaq
namminneerlutik toqqarsimavaat.

Ivittuuni killilersugaanngitsumik umimmanniarneq 2009-mi aallartimmat suaassusaannik
pisaqartarneq nikingassuteqalernerannik aammalu pissatat siusinnerusukkut anneru-
sumik ajornartorsiutaasimangitsut pisalersimanerannik kinguneqarsimavoq. Umimmaat
arlallit toqutsissallugit pisariaqarsimavoq. Uumasogatigii ineriartornissaat eqqarsaati-
galugu ernumanarluni, tamannalu peqqutigalugu sunngiffimmi piniarneq 2012-mi
unitsinneaqarpoq. Taamaallaat siunnersuutigineqarpoq akiliisitsilluni piniarneq piffissami
1. juli aallarnerfigalugu 15. oktober 2012-lu naggataarfialugu kiisalu inuussutissarsiuti-
galugu piniarneq 15. februar aallarnerfigalugu 31. marts 2013 naggataarfialugu pini-
arneq ingerlanneqassasoq. Piffissami taaneqartumi kingullermi issikkajunnerusarpoq.
Aammattaaq naatsorsuutigineqanngilaq Arsuuk Food umimmaat neqaannik nioqqutissi-
ornissaminut ukiortaartinnagu umimmannik tigoqqaanissaminut piariissasoq. Imaassin-
naavorli tamanna 2013-mi pisinnaajumaartoq pissutsit periarfissiippata.

Ivittuuni 2012-2013-mi umimmanniarnissamut piffissat piniarfiusussat pisassiissutillu
sumiiffimmiit siunnersuuteqareernerup kingorna APNN-mi pilersaarusiorneqarput
tamannalu aprilimi 2012-mi pivoq. Piffissat piniarfiusussat pisassiissutillu siunnersuuti-
neqartut uannit akuerineqareerlutik majip qiteqqunnerani 2012-mi soqutigisaqartunut
tamanut, soorlu kommuninut, kattuffinnut naalakkersuisoqarfinnullu allanut tusarniaas-
sutigineqarput kiisalu www.nanoq.gl-imi Tusarniaavimmut ikkunneqarluni. Nalunaaru-
tigineqarportaaq ulloq 18. juni 2012 tusarniaaneq killeqartoq. Taamaammat susa-
saqartut tamarmik periarfissinneqarsimapput piffissat piniarfiusussat pisassiissutillu
oqaaseqarfiginissaannut.

**2. Ukioq manna Arsuup kangerluani umimmaat qassit sumut (inuussutissarsi-
uutigalugu piniartut, sunngiffimminni piniartut, tammajuitsussarsiuutigalugu pini-
artut) tutsinneqarlutik umimmattassiissutigineqarsimappat?**

Ad. 2): Ivittuuni tammajuitsussarsiufigalugu piniartunut umimmaat 60-it pisassiissutigineqarput 2012-mi piffissami 1. juli aallarnerfigalugu 15. oktober 2012 naggataarfigalugu kiisalu inuussutissarsiufigalugu piniartunut umimmaat 225-it pisassiissutigineqarput 2013-mi piffissami 15. februar aallarnerfigalugu 31. marts naggataarfigalugu. Umimmaat pisassiissutigineqartut agguanneqarnissaat kommunip nammineq isumagisarpaa tamatuminnga kommunit piginnaatitsisummik tunineqarnikummata.

3. Takornarianut tammajuitsussarsinianut umimmattassiissuteqartoqarsimava?

Ad. 3): Aap, tammajuitsussarsiufigalugu piniartunut piffissami 1. juli aallarnerfigalugu 15. oktober 2012 naggataarfigalugu pisassiissoqarpoq.

4. Takornarianut umimmattassiisoqarsimappat umimmattassiissutit qassiuppat?

Ad. 4): Tammajuitsussarsiufigalugu pisassiissutigineqartut 60-iupput soorlutaaq ukiuni pisassiiffiusumi siuliini marlunni aamma taamaattoqarsimasoq.

5. Ataani tunngavilersuut aallaavigalugu Naalakkersuisut Arsummiunut piaarnerpaamik tassalu ukioq manna naatinnagu umimmattassiinissaat nunaqqataasut kissaatigisaat piviusunngortinneqassava?

Ad. 5): Naamik, pisassiissutigineqareersut saniatigut umimmattassat ilaqqinniarneqanngillat. Naalakkersuisoqarfiulli aqutsiveqarfik Ivittuut kaammattorsimavaa umimmaat utoqqaassusaat suaassusaallu najoqqutaralugit piniarnerup ingerlanneqarnissaa aaqqiissuteqarfigeqqullugu. Taamaaliornikkummi piniartut tamarmik umimmaqatigiit ukiuisigut suaassusaatigullu agguaqatigiinnerat ajoqusernissaat ernumassutiginaagu umimmanniarsinnaassagamik soorlu killeqanngitsumik umimmanniarneq eqqunneqanngikkallarmat taamaassimasoq.

Inussiarnersumik inuulluaqqusillunga
Med venlig hilsen

Ane Hansen